


0 T5431/4913

五言古
五言排律
五言律
卷一



75431/4913



樂函

鞭心入理寫志歸天司馬

子長以史傳李謫僊且以

詩傳也非不極深研幾而

人情世故一經指拈皆足
霸竅

灤源年臺殆人中之僊歟
何著述若是其富而詩飄

飄若行雲流水不可形象
求之也迹其怡情古史託
念長嘯樂府直逼元人詩
評史函耳譚詩餘以及呂

洞賓諸雜劇百花洲諸傳
奇莫不獨抒新裁逞姿鬪
豔現身說灑孤騫夷猶昨
願辭百里追蹤蘇湖而未

之果其爲政必因天宜物
鳴琴化洽指日決也治績
報最

天子願以風雅治天下其必


以此編爲彌首而余玉署
詞章亦藉以有所媿上也

已

聊攝眷年弟傳以漸

星巖甫拜手撰并

書



灤函題詞

奕繩年丈抽于鱗篲扇者已
廿年所典冊高文衆推燕許
有韻之文其一斑耳然而排
顏轢謝已足領袖羣英矣奕



高余一
繩高情霞舉雅不欲以簿書
民社點冰雪胸中疏請改秩
不獲

命客有代為慮者曰一行作吏
案牘攢眉老吏抱尺一紙魚

貫而前頓令文通夢裏歌毫
秃如苾芻敲朴調塘自足成
濟商一部然呂鼓吹詩腸難
矣難矣吾意奕繩之以政廢
詩也不然豈其以詩廢政左

高余二
曹劉而右龔黃乎予曰唯
否、畫戟清香韋蘇州勝情
伊邇香山玉局妙墨徧西子
湖頭都從六條三刺之間
為藝林琰琬不必待鳳池綸

閣後乃詫九天珠玉也譬之
山水棲懷者鳴琴通其佳賞
畫壁侈于冥遊豈玄香納須
彌之胎嶧桐含星宿之位乎
蓋夙契永懷無適不遇故耳

且豈惟無廢政是虞也夫溫
柔敦厚者詩之質而其用則
賢於博達而經務起予知來
之詔尼山風雅夫寧粉題為
妍妙解連環周通五際亦游

而風成所云剌鐘之斷非歟

奕繩良

襲躬既育其質矣

而經術湛深庶幾達藝吾知
汜灑南服裒然稱大雅之才
而以詩治最者必首屈指無

疑矣甘棠云邈姑不具論閔
勞頌德弘翼貉丘禁火跂于
來輶統鼓依于太鷄知必與
于為之工清歌競節春陵之
什仁響分毫矣他日採風薦

廟當有珥筆而紀其盛者

丁亥孟春淄水年眷弟東蒙

逸叟高珩撰





樂函序

余兄性耽書史少負逸才賦質秀竒
 溫文雅厚髮甫及燥即嗜古文辭立
 志高遠千穉自命慕吾鄉殷李邊許
 之芳踪著書一室緗帙稱富鵠袍廿
 有餘載從不干戶外事覩青紫一途
 澹如也余兄弟乳胞同氣情兼師友



風雨連床不離跬步一自佩衿食餼
無非吾兄耳提面命至歷下文獻亦
惟推吾兄爲主盟爾時檢括巾笥之
著述議梓未果並欲廣羅古今上自
五經下迄樂府手訂目校成集灤函
評騭免就恭遇

新

朝開科名雋春闈一行作吏首仕臨

川於時道虞梗阻余亦間關偕從携
全稿而南也初意政績告成勉終前
業詎料變起西江全省鼎沸干戈雲
叢僮僕星散顛踣困憊奇險備嘗余
之不即殞滅者亦岌岌僅如毛髮及
余兄睢陽憤烈捐軀殉忠方是時也
余惟號天慟地期收兄骸於殘土當

即屏跡絕世誓不復預人間事正爾
圖歸無計忽

朝廷優卹之命下矣


功令森嚴奚敢自諉可痛者吾兄生平
著作之勤一罹兵燹散失殆盡嗟乎
哉向議授梓而既失於遷延繼欲刻
傳而復值此離亂豈造物之忌其成

耶釋此不修將與烟艸同燼以故十
餘季來索之廢簏之中訪諸同儕之
藏心竭力殫幾費購求近於平署之
暇與友人邢子琬薛子霽侄子青箱
繕寫校定補綴成篇自冬徂春厥事
方竣叙次數卷盡付剞劂實不能百
之一二廣流寓內聊以副吾兄未竟

之志亦聊以述余不肖成吾兄未竟
之志云爾謹序

順治歲次庚子孟夏之念有四日

弟承祧拜手謹撰



樂函總目

濟南

葉承宗奕繩著

葉承祧奕紹較

男青箱世緘

侄青藜世光

緝

友人

邢琬命石

薛霽絳生

仝訂

卷一

五言古

澤區經目
五言排律

五言律詩

卷二

七言律詩

卷三

五言絕句

七言絕句

卷四

四言詩

雜詠附

卷五

詞

書札

書啓

耳譚附

卷六

序

卷七

序

卷八

詞引

卷九

記

疏

卷十

樂府

雜劇

總目止

樂函

五言古詩

綠窓怨

蘇武

秋意

避暑

張巡妾

刈麥

過臥牛山懷雲芝先主

樂函 卷一

友聲堂

澗
種梅篇

舟行值雨

挽王百斯三烈

河西道上朔風

江宵苦雨

泊南康望匡廬

五言排律

登華不注

杓突泉

夏日同張伊潛諸公明湖小泛

人日觀梅

哭張孟育百韻

哭鄭秀才

乙酉秋初同王仲伸泛舟北土

別八孝廉十二韻

渡黃河

裕溪候風

五言律詩

金線泉 二首

灤口道上望嵒山

望華不注

喜酌突泉復盛

三月晦日同李慈岩諸君飲北渚精舍

明湖秋望

杪秋訪友近北渚

杪秋望嵒山

望華不注

藕巷居聽雨

殷相廢園歌石 二首

送客東城還赴北園之約

端午薄暮同諸友泛舟明湖

夏日同張思皇父母泛湖

碧筍飲

既夕下舟信步至水雲亭譚飲

伏日藕巷居同王高諸子聽雨

晚宿虞祥所

初冬訪平子于城陰別墅水濱痛飲

訪張覺斯別墅

劉同虛堰鎮別墅

道望華不注

水潮庵 二首

飲木仲禘營別墅

早發平原道

把釣村

清泰庵旅息

雪

新月

又見月

大雪

閏元宵

歸自都門望見家山

和吳補菴郡伯遊焦園韻

元日大雪

廣川道上逢人日

賦得春深五鳳城

三月晦日南郊眺望

題通州梁生書舍

同劉光宿年兄泛舟東還

舟行即事

晚泊獨流

獨流早發

舟中賦贈劉光宿門兄

月中泛舟

舟行玩月 二首

旅夜

宿天津

鮑山

清江浦南發會大風雨泊舟二日 二首

清明日儀鎮買舟渡江

大江煙雨

過小孤山

過大孤山

沈鄱陽湖

樵舍聳鐘

鄱湖烟雨中但見雲端廬山絕頂

兒子青箱還濟南 五首

旅懷

送弟奕紹東還

端午毓祺招同光宿飲

七夕旅息

柳葉桃

九日 二首

賞菊 二首

問梅 二首

蒼朝雪中南發

送史念冲郡伯之南昌

又代

餞朱彤廷父母

壽韓長孺年兄

壽鍾文子司李 二首

壽喬明府 二首

代壽學憲房母

萬民贈幃

雪中抄王夫子存年

從虞祥所借抄王夫子勝引樓詩

賀袁六完父母長公游泮

賀艾蘭如公子允霞游泮

謝生游泮

賈方揚公子游泮

又代

劉波海次子游泮

郝長卿令弟游泮

學宮號舍

賀鄧弁

賀賈弁

郝木仲舉次孫

李斗虛舉三子

輓趙啓之二首

田家四首

從周際五方伯禱雨正覺禪林

河上曉陰



灤函

五言古

○○○綠窓怨

綠窓有美女對月倚流黃織成合歡被上繡雙
鴛鴦寂寞無復理浮塵滿空牀中夜起長歎淚
下霑衣裳

○○○蘇武

濟南

葉承宗奕繩著
葉承祧奕紹較



漢時節綏新歸來節綏槁還節茂陵下淚濕陵
邊艸別君十九季君亾臣亦老心憶河梁詩羞
向庭臣道

法黃石曰氣脉逼古

秋意

蜚鳥依叢林願言託微翼一夕秋風生林木變
容色豈不愛羽毛欲留弗可得日暮同羣遊相
顧不相識

避暑

宿醒近夕歇赤輪過午烈移簟北窓間薄言避
炎熱好風吹夢醒蕭然自怡悅陶令羲皇人茲
言洵奇絕

張巡妾

生小爲君妾未能報君恩君意在殉城賤妾復
何言獸憐妾身癯何日徧轅門妾肉佐士餐妾
心君自吞但使孤城在妾死如猶存中宵和聳
笛彷彿識妾魂

孫毓祺曰更自動人心魂

刈麥

刈麥華山下。日暮言歸遲。晚炊進麥餅。食之甘如飴。荒邨無完屋。託宿欲何之。藁莖積如墉。依之結小茨。長耒為我棟。束藁為我楹。扶服一以入。嗒馬竟忘疲。中宵豎飯牛。驚我清夢移。皎月自南來。照我華山陲。四顧發長嘯。感興聊賦詩。無人解寤歌。明月澹相窺。

懷麗明曰聲情韵味宛答栗里

過臥牛山懷雲芝先生

茲山亦秀特。蹲伏當孔路。嘉名曰臥牛。羽翼華不注。我輩雲芝翁。讀書于此寓。夜半逢異人。受書發霧悟。占彼采芑僧。遂定來生數。公太二百季。清風動遐慕。此山今尚存。高人胡不顧。荒寺斷鐘鼓。空谷走狐兔。爭知世緣親。不恤山靈怒。茫茫市廛中。神僊焉得遇。

王雲芝先生成化殿試第三人讀書此山遇

異人授書後多奇蹟事見本傳

王攀也庭梅將開黃雀啄之殆盡為種梅

篇吕慰之

種梅三十季。愛護匪朝夕。凌冬欲作花。黃雀來何賸。暫驅還復臨。厭聳聲喑喑。豈無矢弁丸。為花不忍射。憐此香艷姿。何以當羣翻。北渚有宿葭。西疇有伏麥。果腹自有資。啜此復何益。蠢茲羽毛流。嬌葩不解惜。徒使耽花人。對之長蹙額。安得遠羣囂。獨對寒香適。

舟行值雨 十四日發自滄州得客字

河上態屢變。无意娛遊客。奇峯渙叢雲。瀟瀟降

靈液急霖變。波浪蜚澍侵。牕隙孤舟浥。檣帆榜人盡。襜褕疎篷虞。滲漉覆吕方。文席移几罷。棋枰擁稠觀。戲劇亂烟隱。荒邨一艇達。水驛湏更羲輪出。雲水澹將夕。陰晴詎有定。行止任所適。它日風塵道。勿忘此泛宅。

挽王百斯三烈

桓臺有真氣。殉烈一何酷。于嗟百斯君。可以立臣。鵠學詩自庭趨。教忠緣世篤。劉向藜已燃。桓典驄難觸。抗章闡幽貞。浮雲蔽忠告。一朝辭禁

聞言歸錦烁曲。疏傳正懸車。槐堂樂事足。刑死
 忽舞千國步。倏云促。鼎湖弓莫攀。秦廷泣誰屬。
 呼天計無之。願言從鬼錄。未遂滄海航。弗就汨
 羅浴。初欲航海又欲猴冠居上座。薦紳盡犴獄。
 吾家世受恩。此身焉可辱。有弟奉親闈。死忠父
 所欲。帝秦慟魯連。下畫狗王蠋。夫妻組一同。父
 子縲相續。雕梁雙練影。千秋忠義束。孺人長君
 鳥衣燕語哀。青氈汗猶沃。黎丘形已幻。精衛恨
 難歇。良人既以殲。百身奚可贖。所幸發孫枝。猗

猗如竹。綠抱置朗陵。膝聊慰西河。矚貞心對先
 皇。烈性激流俗。芳躅光家乘。徽蹟存史錄。男兒
 欲致身。君能了此局。身君同蘭籍。道義時相勗。
 瑤琴已絕絃。佳城竟瘞玉。作歌當招魂。君還聽
 此不。

韓長孺曰。叙事慷慨。引用精確。筆挾霜電。貌
 死如生。百斯有靈。應含笑于壑下。

霍劍寒曰。吾家世受恩。四語直將百斯心事
 寫出。英爽如存。故應不昧斯語。

高念東曰可泣鬼神大類少陵夔府諸什

○河西道上朔風三十里

朝發北蔡村。迺循河干。逐朔風挾水勢。猛力向人扑。揚砂蔽耳目。栗冽侵裳服。時還吹帽歌。倡朝華髮禿。手忘轡與策。但護左右幅。陰霾斷俗伴。岐路失僮僕。河畔有重冰。古林多朽木。我身匪金石。馬受狂飈觸。于嗟亦誰尤。無迺自貽蹙。朔風三十里。前邨帘影復。下馬入鑪頭。如瓜萬間屋。濁醪狂呼熱。聊且盪寒腹。日中風未息。言

就○此○中○宿○長○安○雖○在○望○欲○至○不○得○速○咫○尺○不○可○測○前○途○馬○能○卜○

○江宵苦雨

暮泊紫沙洲。亂烟釀暝色。艤舟方就岸。風雨來何亟。電劃大江明。雨驟篷窓逼。霆威襍江聲。羣囂奪睡力。擁裯苦滲漉。挑燈勤拂拭。開窻試一窺。萬里叢雲黑。久客厭淫霖。願言得小息。無聊但晤歌。慷慨抒胃臆。

○泊南康望匡廬

扁舟艤平塘。雙帆憇石磑。開窓眺湖光。宛昇匡廬對雲間。五老峯拱揖。酬盼睽紫氣。抱香爐。白雲何覿。韃將為康樂遊。謹奉坡公誨。欲識真廬山。不在廬山內。

五言排律

登華不注

我愛華不注。茲峯何秀特。奇巒變形勢。怪石殊顏色。鳥道荒蔓縈。蟲跡積雨泐。懸崖疑無倚。疊嶂如相逼。探奇歷嶇嶮。轉徑入幽仄。逡巡履峯

脊攀援摩山肋。凭高發長嘯。遇坦得小息。傍矚峭峰聯。俯瞰清河直。日夕墜風發。為我生羽翼。葦有贈鹿翁。求之不可得。徙倚晚烟中。曠懷誰復識。

韓長孺曰。置身丘壑中。為之寫炤。何減長康之畫。

王仲伸曰。華不注山。亂石堆雲。峻嶒而起。石色殊不類。它峯靈迥。超忽蓋不徒如芙蓉之挹其秀。拔而連陵之嘉其孤峭已也。嘯史貌

寫山容便欲吸其神髓。余家山麓朝夕登眺。直覺好景當前。嘯史已題詩上頭矣。

劉東華曰：標格高嚴，琢句奇峭，直凌漢魏。小亦康樂山行諸什。

○○○酌笑泉

齊門有時人。生長灤源里。閱水識形勢。探源得神髓。奇瀾激三峯。海上神山侶。峨嶠雪恒翻。廣陵潮未已。車輪涌不停。珠樹紛相峙。瀑蜚月亦碎。濤壯風難靡。霧窟漱寒玉。餘波揉紋綺。冬泉

沂水溫。香味中冷美。綠幻領奇態。臨喧悟靜理。奔流引曠懷。清響砭塵耳。豈必溪畔茶。泉旁原有茶樹但飲波心水。定能浣俗腸。居然英多士。

○夏日同都門張伊湄南昌張公理陽丘李

放公明湖小泛 庚辰

嘉辰羣彥集。鼓棹明湖半。微波受清颼。芳洲點皓翰。水潤蓮葉平。魚躍蒲芽亂。葭菼界橫塘。垂楊迷斷岸。紅粧水際明。靚服風前爛。驪唱怯輕喉。鷓絃宜素腕。吹簫送遠音。吸水成新盥。澹烟

襟夕炊。遠山來。几案歸。鴉棲暮林間。艇依淺灘。立馬不忍行。目送沙鷗散。

霍劍寒曰艱中公諫之遺

○○○人日觀梅薄暮小雪

脩條倚東風。嬌萼縈南枝。奇葩何明潤。容色獨華滋。深宮塗黃額。雒女展輕頤。縱橫蓋珠佩。飄曳縷金衣。群芳知競爽。獨此擅先時。酌君人日酒。暮雪正霏霏。

○○○哭張孟育百韻

余當剥膚恨不得同孟育死及葦結纓又恨孟育不

得同余生病榻深。念念輒涕泣。泣泣使私為之贊五日。到孟育宅感事悲慟。為作滿江紅一闕。近日長君命既誌且銘埋玉期臨執紼悲重則又哭以一百韻。

歷亭文氣薄。遂令子長眠。誰曰非關數。余還欲

問天。君才邴得爾。吾道適應然。思子慨長慟。哀

唵。贈大篇。軒轅開世胤。弓矢肇家傳。本自廣川

族。昔來歷下遷。雙鳧綬若若。五馬轡翩翩。曾祖

州收里著鳴珂。美人驚夢驚。翔幽亭。峭水曲。家

世歷山巔。美玉元生璞。明珠解出蟻。蓮花思秀

麗。楊柳憶芳妍。志在羲皇上。文探丘索前。較書

分甲乙。學易得坤乾。常索經年絕鉛硃。滴露研
 惟遵輔嗣注。恒守紫陽談。詩紀人皆韻。史評筆
 有權充宗真嶽嶽。邊子自便便。生性綠書癖。人
 言近墨癩。奚囊函玉軫。艷架貯瑯嬛。富擬百城
 敵。文應四部全。積書不下數萬卷茶鑿蟹眼沸。香篆水
 沉煎。牕蕤瀟溪艸。盆滋玉井蓮。間摹名帖畫。靜
 玩古圖鐫。冥寄獸甘素。探竒人問玄。披帷相向
 笑。下榻若為延。辭劇頻呼酒。譚超竟顛禪。騷經
 酣即熟。諧史醉恒宣。某集尋佳句。何文得異詮。

傳疑若字舛。耳食絕人愆。殿擲傳令急。題分限
 韻。崑投壺擊薛鼓。緼瑟藉蘇罇。對酒看雄劍。懷
 人憶翠鈿。看花香習習。留月影娟娟。撫事交相
 屬。譚心各自憐。每經窮夜漏。還弄惜流季。偶醉
 習家沼。時尋戴子船。偕聽北渚雨。同挹華峯烟。
 歸語山公婦。迺言阮籍賢。黛眉春淡掃。青案曉
 常虔。甲子齊賢雋。春秋鄧禹先。甲子鄉薦年二十五雨餘
 覘鮒潤。風積看鵬騫。見兔還思楛。獲魚已舍筌。
 新綾供度曲。美錦作頭纏。不逐紛華悅。由来道

力堅十季仍不字。三剛志寧辱。事業慚別駕。功
 名讓惠連。從兄明齋吾徒皆偃蹇。久亦忘迤邐。
 還我詩書債。留君山水綠。嘗窮燕市酒。識徧雒
 陽韜。七日書恒曬。半生硯欲穿。未膺新紫綬。猶
 有舊青氈。嘯傲明湖上。風流我輩偏。看余為聖
 崔。任它亂鳴蟬。天步俄傾濟。征塵已過燕。角笳
 聲烈烈。羯鼓震闐闐。蜚陣連城邑。雄風度陌阡。
 甲兵防別境。粟米實新廛。烏合名空萬。客兵數
 恹千。為謀方築舍。臨敵未更弦。孱卒心先戰。援

師股已酸。淒風吹空釜。僵手恹疆淵。士庶頻更
 守。紳衿屢議蠲。枕戈宿冷舖。仗劍閱窮埏。殺氣
 城隈合。悲風戍士悵。投醪不挹水。施被厚加縣。
 時作三軍犒。晨傳多士饘。時守南城。施被數十
 士。燈光亂燎火。彗孛入星躔。幅間日必。酒食犒
 盡退旋。隻身還自勵。孤掌欲誰牽。甫振睢陽舌。
 先戕卞路咽。傷哉魂蒿里。翻恨步邯鄲。橫客嬰
 霜。亦杞妻。斷雪縷。孺人費負屍歸正寢。厝視得
 雙。駢鳥集多聯翼。民今有比肩。萋弘血自碧。張

老劍猶懸生月同麟綬歿時迺犢鞭已卯正月十一日立春

女縈知慟意顏母亦悲淵太孺人慘黯華峯色

淒迷纓水漩知君久厭世今日果登僊子死作

何狀一生事已竣胡寅相遇否稽紹想逢旃有

五人詩酒社胡昭來嵇珊楓冥府難憑學泉臺

同公殉難惟余并孫毓祺存也索錢若葦近日者有及五人馬同袍十九人舊

會相知少新葦可駭駢曉階叢玉桂秋閣貯金

荃惜渚新成眺鮑山近可佃室無回祿恐書免

祖龍燃鳥入空巢裏燕來故壘邊爭知人侶鳳

不道命如蠅遺跡歸遼鶴芳魂泣蜀鵑黎丘橋

暗渡精衛海空填孫楚情尤惻葉琛涕既漣塵

隨棺可瘞琴弄主俱悛屢睹空梁月時尋笥角

箋別君心覺淡經變病難痊怪我精神減緣君

意氣鮮鴻毛能續命雞肋每安拳臥榻私為贊

登堂曲亦編邵來移式駕期死絕牙絃痛哭斯

人逝慙看芳艸芊

孫毓祺曰胡元瑞謂長篇最易意復惟此據

事直書斷金之情剝膚之憾絕絃之感靡不

畢具譬則長河九曲實則一氣孤行孟育為
吾兩人石交葭戚而博雅又為嘯史所推故
叙置娓娓聲情猶有餘慟

劉東華曰披帷一段叙兩人莫逆光景如画
第奕紹曰末一段哀音蹙節直寫當季情狀
竟可補一則歷亭小史

其伯升曰讀余師大篇忠憤激壯悲歌流連
即大招招魂多未逮之語今古人豈相讓耶

哭永季鄭茂才

德行君居最無惑君歿哉好施如卜式高節擬
澹臺斯人有斯疾多藝復多材兆違天上桂識
作夢中槐蠲販孰堪共干甄邨可諧霸椿空嘆
室釋筍始當階自為玉樓太寧堪石柱埋邯山
靈氣隱滄水碧湍哀哭子輒長慟思君憶于鬢
英魂無南北將復爾能來

乙酉秋初同王仲伸泛舟北上

天上弓旌逼門前轍跡深得朋行呂類利涉有
同心月令方流火交情久斷金揚鑣周道左買

舫大河潯。水浮長岸。由風透薄襟。中流恒擊楫。夜雨每聯袂。審勢圖行止。抒懷論古今。囊書交換讀。好句後先論。啓牖吸涼月。鳴榔動宿禽。擁裯清夜短。振袂曉星沉。偶爾行河滸。時還臥茂林。盪舟華黍地。沽酒綠楊村。魏闕望中近。鄉關夢裏尋。男兒感意氣。君子重知音。它日高軒上。無忘壠畔吟。

王仲伸曰字字肺腑流出奕奕清勝

其伯升曰才深自古人情深亦自古人

○ ○ ○ 別八孝廉十二韻

弄君文社處。迺在百花邊。藕挺千尋節。荷呈萬選錢。虛亭來水色。彩筆泛雲烟。擇勝奇居最。命名致自鮮。問從成竹後。意在發花先。雒下紙逾貴。咸陽金可懸。充宗真嶽嶽。邊子自便便。自恐朱成碧。知君白已玄。相憐郢里曲。為憶伯牙絃。河朔人三五。新豐酒十千。何當歸闕去。盡獻聖人前。

○ ○ ○ 渡黃河

初渡黃河水。混茫入望中。驚濤流日夜。灑氣薄
 烟空。湍悍容千變。瀾迴勢一同。波迷春水綠。潮
 射夕陽紅。未睹龍門險。先疑銀漢通。大觀開眼
 界。竒氣貯心甯。九曲渺何極。一篙未易窮。安能
 泛槎去。直入斗牛宮。

○ 裕溪候風

涉川如登山。遇坦宜小息。沂流深巷中。艤棹清
 溪側。遊子玩烟景。舟人候風色。岸花不知名。溪
 雲如相識。行止非所擬。陰晴幻不測。雨歇遠山

青雲來大江。黑既笑片帆。閒復妬來航。亟願言
 借長風。為舟生羽翼。

五言律詩

○ 金線泉

惟有此園林。偏宜寄遠心。竹充叢曳翠。潭影澹
 浮金。牽荇魚分綬。依枝鳥盍簪。幽篁長嘯後。流
 水入鳴琴。

○ 二

曲水引霏泉。冰絲波際懸。鶯簧高柳外。蛙吹古

溪山詩
塘邊倩月留松影披襟受竹烟青青看不厭徒倚竟忘眠

高念東曰倩月二語刁渺清逸故當壓卷

韓長孺曰竹光竹烟字新

孫毓祺曰娟秀

劉東華曰金線泉方塘湛澈有金線浮于水

面故曾子固詩有界破冰縮一片天句今過

客所詠大抵皆高柳脩篁耳嘯史家在比鄰

故能為泉寫生面

○○○灤口道上望嵒山山有扁鵲丹竈

濟北奇山聳無峯勢自我遠烟連華嶽孤嶂插

清河世變松楸盡山空烏鵲多山上病夫還借

問丹竈近如何

甘伯升曰風格渾成語皆實錄

○○○遂望華不注

遠眺華不注風光勝已登孤高如削壁峭拔不

連陵烟抹新眉黛雲銷瘦骨稜風塵望不極芳

榭隱千層

郝木仲曰勝已登妙不連陵尤妙

喜。躑。突。泉。復。盛。乙酉春涸季夏復高尺許

中。夜。晴。聳。雷。三。源。驀。地。來。花。翻。珠。樹。聳。波。湧。玉。

壺。開。匪。但。甘。霖。力。還。應。元。氣。回。盈。虛。知。有。數。對。

此且銜杯。

霍劍寒曰有當年一啗便覺此喜匪關趨附

。三。月。晦。日。同。李。葱。岩。王。仲。伸。劉。光。宿。飲。趙。

啓之北渚精舍

葭。陣。界。橫。塘。蘿。痕。翳。女。牆。沙。明。排。鶴。陣。風。急。亂。

鶯。簧。畫。舫。烟。中。遠。虛。亭。霽。後。涼。多。情。堤。畔。柳。猶。

欲。繫。春。光。

明湖秋望

湖。上。秋。容。老。驚。看。景。物。非。葭。飄。閃。子。絮。荷。剪。屈。

平。衣。露。重。寒。蟬。咽。霞。明。孤。鷺。蜚。烟。波。望。不。極。徒。

倚對澄暉

杪秋訪友近北渚

波。間。開。一。徑。屋。角。繞。橫。塘。柳。暗。猶。憐。色。荷。殘。未。

褪。香。平。橋。秋。艸。白。曲。岸。晚。藍。蒼。立。馬。還。長。眺。寒。

灑灑夕陽

韓長孺曰柳暗二語蒼然有骨品

○ 杪秋灤口道上望峭山

○ 馬上看山色。峭峰入望間。華陰惟此巘。濟北更

○ 無山。平阜霧鳥集。清流賈舸還。為尋丹竈跡。乘

○ 興欲登攀。

○ 望華不注

○ 山。巨孤為韻。茲山物之尤。巖幽如欲暮。峯瘦最

○ 宜。秋倒影落寒水。浮烟冑古丘。憑軒一以眺。興

不減登遊

○ 藕花居聽雨。即事 初伏日

○ 香。靄織方塘。虛亭受晚涼。霧中縈柳帶。烟裏認

○ 蓮。房觸雨荷聲急。因風葭陣狂。碧筩休勸飲。吾

○ 已。翠蒼茫

○ 酌水之干殷。相廢園有靄石。是元張文忠

○ 公石。爰之一高。數尋翼。巨古柏。數章有

○ 人伐木石。歌荒圃

○ 此石當盛際。蜚價等身金。附柏存青嶂。依苔近

綠沉神全。烟霧歛。耻受薜蘿侵。一自高人顧。應
酌。白。霜。音。

○ ○ 二

酌水不終涸。茲峯寧久歇。擬將袍笏拜。恐令鉞
旄隨。低徊公相圍。徙倚丈人畦。煉石需名手。豈
君高臥時。

郝木伯曰江上琵琶行異調而同感

郝木仲曰題妙甚詩鄭重亦復風流

○ ○ 送客東城還赴張平子北園之約 仲冬

送客東城路。還趨北渚。招清流。明埤坳。古墅隱
圯橋。荒沼當蓬戶。寒林抱艸瓢。從來耽野興。午
夜未旋鑣。

○ ○ 端午薄暮同諸友泛舟明湖

良辰理桂楫。薄暮放舟時。蘆隙迴風細。舟行覺
月隨。長堤亂螢火。宿鷺隱漣漪。莫漫停浮白。碧
筩未可持。

○ ○ 夏日同張思皇父母李放公盟丈泛湖

小泛明湖裡。停橈近水關。葭叢迷斷岸。樹杪出

遙山波滿紅蕖潤風恬白鷺閒茂先今政暇樽
酒幸相攀

碧筩飲

葭岸維舟處相將泛碧筩羽傳香柄曲鯨吸翠
盤空楊柳驕人醉芙蓉如臉紅伊誰知此樂惟
許鄭公同

既夕下舟信步至水雲亭譚飲至醉
下舟日未暮忽憶水雲亭躡履登高徑依欄掛
小餅規池如鏡滿嬌柳侶看青譚竟發長嘯乾

坤歎獨醒

伏日藕花居同王京也高虞祥鄭來亨趙

君孚聽雨

偶自東城來興言至河澣故人逐清風佳客聽
新雨柳憑翠帶颺蓮學霓裳舞烟歛覺溪明輕
鷗抱淺渚

晚宿虞祥所

日暮欲歸太相將過比鄰折巾初擬郭下榻又
逢陳涼月客邊滿踈鐘霽後新黑酣纔一覺疑

是葛天民。

○○○初冬訪張平子于城陰別墅同李高諸子

水濱痛飲

孤亭懸水曲。古木抱烟村。水躍魚超距。洲寒鷗

負暄。令繁喧客坐。觴急促朋尊。忽見南枝鵲。辭

巢聲自吞。

時平子避居寄此

○○○訪張覺斯別墅

鬱葱遙入望。已覺曠懷生。入墅無它姓。問村有

古名。重樓納爽氣。老樹掛秋聲。聳說鳴珂里。于

今好侶卿

○○○劉同虛堰鎮別墅

世家灤水北。別墅華山東。事業自能立。聰明迥

不同。樓開黛色入。巷轉清流通。此地饒風氣。君

應羽翰翀。

○○○道上望華不注

道觀華不注。爽氣沁詩脾。水落野容靜。山癯秋

色宜。嵐光連遠巘。清影下寒漪。是處真堪隱。風

塵空爾為。

水潮庵

松竹叢幽徑。水潮結古庵。泉聲續梵磬。雲影護經函。風靜鳥鳴。巖嵐澄山。照龕年季。灤上月常。供老僧參。

二

孤刹插天際。羣峯入望遙。臺高偏受月。門起每通潮。看竹扶筇杖。栽詩貯茗瓢。山僧出送客。時過虎溪橋。

飲却水仲年兄褚營別業

別墅綠陰聯。虛亭納曉烟。松臺環翠幃。荷沼貼青錢。蝶拍迎歌扇。鶯簧襍韻絃。客觴元未歇。蛙鼓莫喧傳。

早發平原道

策蹇凌晨出。微微月影殘。曉寒塵陌淨。秋爽客衣單。露艸露如雨。烟林抹似山。裊鞭詩思發。渾忘路行難。

把釣村

柳色蔭方塘。蘿痕翳女牆。魚依萍作鑑。鳧借藻

為裳烟氣晚來合。波光霽後涼。持綸宜此地。長
嘯水雲鄉。

○ ○ ○ 清泰庵旅思

即次羈禪榻。昏清竹院幽。藜花媚夜月。蛩語報
新秋。梵唄座中靜。笙音枕上愁。自憐雙鬢失。不
獨羨緇流。

○ ○ 雪河間

出門見新月。中道見新雪。地滑蹇蹄遲。手寒鞭
力竭。枯林微霰綴。曠地蜚塵絕。不道北風涼。披

裘承玉屑。

○ ○ 新月 禹城橋

今年初見月。今月初離家。抵暮發新彩。長瓦印
淺牙。平橋輕着柳。古蹟淡籠沙。待到長安日。還
君滿素華。

○ ○ 又見月

幸又見新月。乘寒度小陰。清光搖雪色。娟影漾
天心。皓彩明春艸。疎星動夜禽。靜看還不厭。清
思澹相尋。

大雪

啓戶抒長嘯。同雲鬱不開。霏微初綴樹。歷亂已盈堦。酒力輸天氣。詩情冷客懷。何當蜚鴈影。猶逐曉寒來。

閏元宵 燕邸

聖主恤民力。燈宵禁再行。重輪光帝里。閏月紀王正。六巷停儺鼓。初更鎖禁城。百年空一見。閒煞月華明。

郝穡清曰三四冠冕典雅

韓長孺曰掉尾韻遠

歸自靚門望見家山。太都纔七日。故里近還賒。見雁知爲客。看山如到家。惟懷庭際樹。懶睨野橋花。塵袂休輕拂。殷勤待絳紗。

韓長孺曰看山如到家情景逼真

霍劍寒曰見雁知爲客更有深味匪以客莫

曉

和吳補菴罷伯遊焦園坐杏竹茂密處韻

朱轡尋勝槩。偶入辟疆園。白鳥食松子。黃鶯喚
竹孫。篠深歎氣靜。林密綠陰屯。坐久還長嘯。幽
懷誰辨論。

元日大雪

元日同雲集。霏霏雪陣交。有梅堪鬪出。無絮也
疑飄。潤逼椒盤冷。光浮彩勝搖。春來初命酒。新
試有年謠。

廣川道上逢入日

振策廣川道。雪痕淨陌塵。今年初作客。此日恰

逢人。占歲晴徧好。迎暉暖更親。壚頭沽斗酒。馬
上酌陽春。

賦得春深五鳳城

帝里驚新候。階。莫。已。度。三。日。長。容。柳。臥。春。滿。恣。
鶯。酣。蜚。莢。驕。池。苻。游。絲。妬。豎。蠶。願。隨。戴。仲。若。林。
際。携。雙。楫。

三月晦日南郊眺望

以客驚春暮。相將至舞雩。嬌鶯啼日懶。候鴈受
風。疎。蜚。絮。如。兒。戲。游。絲。屬。子。虛。凭。高。聊。悵。望。無。

計駐春餘詩

題通州梁生書舍

芸舍傍椿庭。朝昏受一經。階間怕訓鯉。室小足藏螢。冀北多名駿。日邊聚德星。鵬蜚宜弱冠。館閣重李青。

同劉光宿年兄泛舟東還夏五

連袂旋東國。蘭橈渡水津。舟行移岸艸。雲影蘸風淪。盪槩驚鄉夢。牽絙仗榜人。溯洄憇道阻。坐隱幸相親。

舟行即事

為復避塵陌。川程阻且長。兩旬舟楫興。千里水雲鄉。岸艸夏尤綠。篷風午亦涼。冠纓如可濯。吾欲賦滄浪。

晚泊獨流

暮泊獨流渡。輕舸艤岸橫。澄潭溶素月。艸舫閃青燈。烹茗酌宵話。蒹蒲佐晚羹。推窓還遠眺。籟寂迥無聲。

獨流早發

扁舟隨意泊。夢覺曉風侵。解纜驚邨犬。張帆動宿禽。疎星平墅曙。薄霧大河陰。舟子乘朝氣。頻宣款廼音。

舟中賦贈劉門兄炎宿

與子僊舟共。關河興不孤。旅懷譚不盡。鄉夢訴相符。窓日窺棋局。溪綸入畫圖。榜人識客意。頻作順風呼。

月中泛舟 夏五十三日將近滄州

即次程猶遠。河聲入夜幽。舟逐風作翼。水得月

生。眸天朗宵疑。晝晚涼夏侶。烁自憐。逆旅客何幸。此清遊。

舟行玩月 十五日將至蓮窩

千里程將至。一規月亦圓。素輝明遠墅。金屑媚澄川。既望先逾滿。深宵色更妍。經旬謝皓魄。常傍旅人船。

二

孤舟仍夜泛。漸覺晚涼侵。風動舟臨岸。天空月照衾。清光涵水色。娟影慰鄉心。靜對渾忘寐。扣

海國詩
舷試朗吟

○ ○ 旅夜

○ 禪榻短長夜。○ 遲迴難及晨。○ 寒驚鄉夢醒。○ 宵迥唄音真。○ 涼月客邊滿。○ 踈鐘霽後新。○ 擁衾怕不寐。○ 觸緒亂紛紛。

○ ○ 宿天津

○ 即次臨雄鎮。○ 人家憇此宵。○ 簫鳴津泊月。○ 鐘動海門潮。○ 久涉厭舟楫。○ 初冬換斗杓。○ 獨憐千里外。○ 鄉夢益迢迢。

○ ○ 鮑山 是叔牙食邑或曰即分金處

○ 風雪叔牙城。○ 春巒映客程。○ 黃金贈知己。○ 白首見交情。○ 世遠山留姓。○ 田空邑有名。○ 顧瞻青一點。○ 感慨憶平生。

○ ○ 清江浦南發會大風雨泊舟二日

○ 陰霖忽浹日。○ 夾岸繫戩歌。○ 河上烟波渺。○ 江南風雨多。○ 春林迷鳥翼。○ 寒浦隱漁蓑。○ 舟坐渾無事。○ 時還發嘯歌。

○ ○ 二

樂島 卷

友聲堂

初○至○江○湖○上○遂○居○風○雨○中○舟○微○分○王○客○慢○不○蔽○
兒○童○近○水○棋○聲○細○驚○寒○酒○力○強○願○言○見○杲○日○千○
里○御○長○風○

獨是日無雨

○ ○ ○ 清○明○日○儀○鎮○買○舟○渡○江○
○ ○ ○ 蒼○酒○清○明○日○今○從○客○裡○過○良○辰○斷○風○雨○古○渡○界○
○ ○ ○ 江○河○買○舫○維○青○岸○傳○觴○映○綠○波○環○觀○莖○柳○色○莫○
○ ○ ○ 惜○旅○顏○醜○

○ ○ ○ 大○江○烟○雨○
○ ○ ○ 江○雨○釀○春○烟○江○烟○際○遠○天○濤○分○兩○岸○濶○水○弄○衆○

山○連○風○力○催○帆○箭○霆○威○挾○電○鞭○烟○光○望○不○極○萬○
頃○正○茫○狀○

○ ○ ○ 過○小○孤○山○
○ ○ ○ 浩○渺○洪○波○裡○危○峯○宛○在○中○江○流○容○砥○柱○古○木○表○
○ ○ ○ 霧○宮○彭○澤○嵐○光○合○大○孤○風○雨○通○尤○能○憐○過○客○千○
○ ○ ○ 里○贈○長○風○

○ ○ ○ 過○大○孤○山○

○ ○ ○ 山○召○孤○而○貴○茲○山○孤○且○尊○洪○濤○搖○巖○足○奇○嶂○插○
○ ○ ○ 湖○根○天○半○懸○塔○影○波○心○見○履○痕○遙○看○高○阜○上○雲○

霧隱空門

沉鄱易湖

不盡鄱湖水茫茫入望賒落星凝渚瘦僂履引

峯斜波際黿鼉影岸邊橘柚蒼遊人烟霧裡疑

泛斗牛槎

樵舍聳鐘

春漲曲通郵溪邊憇客舟鐘聲來歷歷水面更

悠悠良夜喧仍寂澄川咽復流逢人還借問云

自碧山頭

鄱湖烟雨天水相接但見雲端廬山絕頂

濃霧纖廉纖烟嵐天水粘湖窮見雨脚雲杪出

山尖波渺光俱曙林疎影亦潛誰能解破淞摹

入画圖瞻

兒子青箱還濟南 五首

亦知兒當去私心尚欲留吾家得爾重此別益

親愁百日寒官舍三秋游子舟羈懷今始亂半

繫灤陽樓

二

淡○西○詩
父○子○依○為○命○胡○然○返○敝○廬○澆○余○種○後○竹○理○我○甍
殘○書○離○合○憑○天○意○功○名○惜○歲○餘○莫○緣○翁○政○拙○遂
爾○廢○居○諸

○三
憐○伊○方○弱○冠○兩○度○到○江○南○羨○子○游○方○廣○累○兒○學
未○酣○江○湖○忻○順○掉○資○斧○笑○空○函○爾○父○無○奇○政○逢
人○莫○謾○譚

○四
聳○兒○將○北○去○短○髮○白○仍○添○食○息○尋○吾○子○焦○勞○慰

阿○嚴○歸○須○娛○母○意○貧○莫○怨○官○廉○欲○解○思○翁○念○勤
披○挿○架○籤

○五
而○翁○病○始○愈○吾○子○即○言○歸○南○國○秋○風○楫○北○堂○冬
日○幃○功○名○慚○墨○綬○魂○夢○寄○斑○衣○望○爾○花○朝○發○來
航○迎○雁○蜚

當日拜別北歸省 母吾 父曰此詩授朝

夕捧誦亦謂一時教言耳不意遂成遺訓終
天之恨夢寐追悔每讀每慟竟不知涕泗之

何從也悲夫

男青箱識

旅懷

已見春光盡。征人尚帶留。關河生旅夢。風日攪鄉愁。入國蠶名月。還家麥已穠。何緣能縮地。一上灤陽樓。

送弟奕紹東還

小試看花例。來觀上國光。曉風江被暖。春艸謝池芳。歲月如駒影。功名每鴈行。歸挹灤上水。好獻爾兄觴。

端午孫毓祺親家招同劉充宿門兄飲

嘉節日逢五。綺筵客聚三。酌來燕市酒。同作故鄉譚。久聚情偏洽。將離興倍酣。無煩羨兢渡。明日放舟南。

七夕旅思

七月長安舍。西風上葛襟。清時方市駿。良夕正穿針。久客休彈鋏。同人已盍簪。曷能了此事。一遂故園心。

柳葉桃

溱。詩。柳。桃。元。異。種。一。本。更。媽。然。風。動。桃。爭。笑。日。長。柳。欲。眠。海。榴。妬。舊。色。石。竹。競。芳。妍。藹。源。尋。不。見。陶。令。指。門。前。

○ ○ ○ 九 日

霜。露。初。交。候。閒。堦。葉。正。深。携。琴。游。曲。徑。把。酒。酌。遙。岑。鴻。雁。八。分。字。黃。蕊。三。品。金。西。風。休。落。帽。短。髮。不。勝。簪。

○ ○ ○ 二

三。徑。初。開。日。清。霜。點。敝。袍。故。人。誰。送。酒。新。韻。正。

題。饒。採。菊。賡。陶。句。紉。蘭。反。楚。騷。茱。萸。不。解。把。吾。手。已。持。螯。

○ ○ ○ 賞 菊

把。酒。東。籬。下。叢。蔦。映。碧。甌。嬌。妍。雖。異。色。風。味。總。宜。殊。微。雨。姿。偏。潤。繁。霜。韻。更。幽。會。心。不。在。遠。三。徑。足。優。游。

○ ○ ○ 二

不。但。同。人。聚。黃。蕊。也。盍。簪。幽。姿。澹。逸。興。高。韻。滌。煩。襟。秋。晚。寒。香。足。霜。清。艷。色。深。落。英。如。可。采。願。

遂楚臣心

問梅

望子亦云久。胡今尚未開。含章待霜雪。忍性耐風靈。時豈容高臥。人將慰永懷。五花如不出。誰信作羹才。

二

正復天寒甚。君開不可遲。風塵鍊骨性。冰雪淨威儀。雖耻乘餘閨。還應擅早時。春陽漸相及。蒼信莫仍違。

花朝雪中南發諸友餞于泉上

湖海南征日。名亭曉發初。鄉鄰欣把酒。童僕笑囊書。惜別泉盈耳。撩人雪滿裾。多情枝上鳥。也解和驪駒。

送史念冲郡伯之南昌

驅馬入江鄉。清秋一宦翔。下車看孺子。登閣詠滕王。召菱存吳郡。并州憶濟邦。到官未幾日。綸席已徵黃。

又代

五馬度江潯。上天自有心。欲回周世變。更為廣
人箴。公曰。司馬溫公。寶氣浮龍劍。秋風伴鶴琴。
齊邦無悵望。秉鉞即東臨。

○ ○ ○ 錢朱彤廷父母

楊柳何青青。春光歷下亭。隨風搖灑佩。和雨潤

僊輶。趙抃鶴琴韻。王喬鳧舄霧。明湖千頃碧。猶

疑使君形。

○ ○ ○ 壽韓長孺年兄 五月十一日時升比部

蒲瓊頻更酌。為君頌大年。鵠隨晴日放。鶯已上

林遷。韓斗輝畿內。荀星繞膝前。聖朝思憲老。指

日拜庭堅。

○ ○ ○ 壽鍾文子司理 重九前一日時新舉子

九月明湖水。為君漑壽卮。石麟擎繡褱。丹鳳下

彤墀。僊佩萸囊煖。霞觴菊醞奇。爭知台鼎上。指

日召安期。

○ ○ ○ 二

懸弧當九日。采菊駐長生。苦藥持高節。甘棠溢

頌聲。鴻文傳子墨。駿譽重寅清。聳道庭堅起。明

良歌再賡。

○○○壽喬明府

樂上神明宰。新分壯色符。花城初賣劍。菊月正懸弧。駿望迎竹馬。鴻膏潤鵲湖。僊喬今復現。雲際見雙鳧。

○○○二

海屋僊籌滿。山城福曜臨。蓬玄方倚劍。單父已鳴琴。青嶂如群玉。黃花學斷金。函關多紫氣。環繞岱岩陰。

○○○代壽學憲房母

萱堂藹春易。香生九醞觴。朋尊娛壽母。斗曜起文昌。玉砌芝蘭滿。錦屏琬琰充。欣瞻玄鳥至。知是發祥長。

○○○賀朱父母萬民幃

齊城荷再造。萬戶盡含嬉。何以報明德。相將獻慶詞。朋尊娛茂宰。錦製列新詩。不盡蓬茅意。聊因介壽卮。

○○○雪中抄王敬哉夫子存季州

抄詩方就帙。冷韻客臆侵。佳思隨年進。新編對
雪。嗟微言撥宿悟。酣咏奪鄉心。歸思還何貯。瑤
編伴劍鐔。

從虞祥所借抄座師王夫子勝引樓詩
子自何方得。錫余勝引詩。生平愛此道。夢寐感
吾師。具足傳千古。真難贊一辭。素心洵有契。知
不屬阿私。

賀袁六完父母長公游泮時九叙在諫垣
弱冠遊膠序。好音報宓堂。蒼城浮桂影。梧掖帶

芹香。鬢歲宜青佩。鴻聲媿皂囊。試看循吏傳。自
管發祥長。

賀艾蘭如公子允霞游泮

福時珠為樹。看山水作山。春秋鳴鳳翼。夙夜覲
龍顏。日麗蒼磚影。香生玉筍班。老夫荷芰服。芝
宇夢相攀。

賀謝生游泮

知君饒宿慧。游泮及青年。塘艸賡康樂。庭芝叢
謝玄。拈芹芳接踵。擢桂月隨肩。好奮扶桑翼。相

將入木天詩

○○○賀賈方揚公子入泮

青季營世學累試壓文壇庭訓傳細帙家聲憶
豸冠洛文紙價貴郢曲和人難好趁扶搖力彤
墀奏治安

○○○又代

珉珠空滿目誰得亂竒琛惜水人如玉雒陽紙
似金豸冠繩祖武綵筆慰親心早奏治安策馳
聲翰墨林

○○○賀劉波海次子游泮

寶庭有義方舞勺泮宮翔事業如鵬翼功名似
鴈行藜允熒秘閣梧蔭映朝陽年少稱岐嶷二
難相頡頏

○○○賀郝長卿令弟游泮

杏園春色滿兆子奮鵬程豸繡家聲顯衿裾佛
胤榮迺祖號曬書當令節振佩竝難兄館閣方
崇少及時好策名

○○○學宮號舍

洋芹帶春色。子衿焚夜膏。春蠶羣作繭。駿馬競揚鑣。成事工居肆。逢時汁染袍。積風不厭厚。萬里任遊遨。

○ ○ 賀鄧弁

忽改旌輦色。登壇及早春。但憑仗寶劍。誰復起腥塵。桑土綢繆遠。桺營日月新。只今麟閣上。有石勒奇勲。

○ ○ 賀賈弁

自是長沙畧。今開細桺營。鰲磔春洗甲。虎帳夜

譚兵一戰旄。頭息千秋麟。閣名東秦十二地。始信有長城。

○ ○ 郝水仲季兄舉次孫

蘭蔭繞芝庭。含飴哺寧馨。堦前疑立竹。膝上已占星。入掌成雙璧。詒謀在一經。佛孫原胤遠。

祖廼

號却 佛 貝葉正無停。
時水仲禮佛念珠不忒手

○ ○ 李斗虛舉三子

庭上靄椿一階前。珠樹三青雲騰海岳。紫氣出嶠。函繡祿珍。彌麗瑤尊酒。倍酣何煩閱史記。吾

為頌多男。

輓趙啓之先生

夫子曷云歿。遙聳倍潛狀。蓋棺存白髮。僅未去

在笥有常編。精于易心殫。翼宮裏名高。絳帳前。

九原差可慰。已踰夢楹年。歿時七十四

二

矍鑠如君少。詞壇久主盟。心希晉處士。業授魯。

諸生門。李紛如。蒺庭槐。蔭已成。祇今總帷裏。猶

信竹絲聲。

田家

操。鎛常揮汗。風來撲面塵。不憐農力竭。尚念釋。

苗。新護禾如嬌。子瞻雲似故人。或來相告語。破

戶索租頻。

二

田不如雞肋。一毫味也無。曾無顆粒得。已上半。

季租。雨澤徒穿眼。蝗蝻又載塗。老農今已矣。無

力向天呼。

三

薄田賣不忒。新賦又相催。大地旱苗病。彌天蝨子來。憂時如在夢。占雨亦空猜。無奈荷鋤立。咨嗟向艸萊。

四

舉頭見日色。誰復問天心。哀我三年旱。何難半日霖。民生輕似葉。穀種貴如金。又復成空望。殘黎何以任。

懷麗明日。渾樸真至。画得老農。須麋欲動。新絲新穀之後。賴此嗣響。

初夏從周際五方伯禱雨正覺禪林小憩

明無上人蘭若

平明策馬出。禱雨向禪林。車繞紫薇色。堂喧貝葉音。霏微香篆遠。淹靄法雲深。會食僧房內。遂生出世心。

河上曉陰

已辭塵陌苦。寧復避煙波。積霧迷長岸。濃陰鎖大河。雨催雙槩促。風動一帆多。早起渾無事。臨流發嘯歌。

澗
函
卷
一
終

深函卷一終

